



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Contact Numbers pawimav :
 DC/CCPur : 03874-234234
 SP/CCPur : 03874-236747
 Police Station : 03874-202248
 SP Control Room: 03874-233239
 Dist. Hospital Casualty : 03874-233370
 Fire Brigade : 8974 147 799/
 8258 057 887 / 8974 103 600

Hmasawanna Thar Vol - 32/99 | Churachandpur | email : hmasawnnatharnews@yahoo.com | Phone: +91-3874-236846 | Rs 6/- per copy

DEO in MCMC thua Media le party tum tum hai an hmupui



CCPUR: Mr Lunmingthang Haokip, IAS, District Election Officer (DEO) DC, CCPur irawinain zani zantieng 2:00PM khan Media Certification & Monitoring Committee (MCMC) thua CCPur khawpui sunga Chanchinbumihai le Political party tum tum hai an hmupui a, Model Code of Conduct chungthu a hrihpui.

Pu Lunminthang Haokip, DEO, CCPur chun

11th Manipur Assembly Election hung um ding le inzawma thil thaw dang. Media coverage thaw dang bakah MCMC hnuoia mawphurna tum tum hai hrihpui. Ms Lalrongbawl, DIO chun Media Certification le Committee sin thaw bakah Reporter le Political party hai hriet ding pawimaw hai, Online fethenga Public Grievances Redressal (Samadhan), Permission

(Shuvhidhan) le Transport Management (Shugam) chungthu hai hieng thil hai hi Website: www.ceomanipur.nic.in fethelnga online a peklut thei a ni thu a hrih. Dingluai, Assistant Election Supervisor chun, hi huna indawn nuom nei hai ta dinga indawna hun an rawi a, Michael M. Ginzasan in Surveillance Team le an zawm pui dang dang hai thaw ding hai hrihna a nei baw.

Manipur le Nagaland CM han Union Home Minister an inhmupui Blockade hawng a ni theina dinga a mawphurna thaw dingin HM in CM a hrih

NEW DELHI: Union Home Minister Rajnath Singh-in inhmupui dinga a fiel angin Manipur Chief Minister Okram Ibobi Singh chun zanikhan New Delhi hmuna Union Home Minister Rajnath Singh an hmupui. Hi huna hin Home Minister chun Manipur - a National Highways pahni haia Economic Blockades a la fe pei leia mipui harsatna a ngaimaw thu, a bikin nitin mamaw thil haia mipuiin harsatna nasa tak an tuok mek chu a ngaimaw thu; mipui le election officials hai ta dinga inlawn velnaah harsatna a um ding lein Assembly election hung um ding khawm hi Economic Blockades lein harsatna an tlun thei ding thu hai a hrih.

Constitution dungzui-in nitin mamaw enkai le election buoina um lova nei theina dinga Law &



Order enkawl le siemthat chu Manipur sawrkar thaw makmaw a nih tiin Mr Rajnath Singh chun a hrih a, Manipur mipui hmakhuo ngainaa Chief Minister O.Ibobi Singh chu a mawphurna thaw dingin an hriettir a, hi thila dingin security forces a mamaw bawlsa chun sawrkar thungpui a tul le pawimaw anga a hung pek belsa ding thu Rajnath Singh chun a hrih.

Manipur sawrkarin ram dan anga a mawphurna le thaw ding (constitutional duties) a thaw naw a ni chun Economic Blockade leia Manipur mipui han harsatna le buoina nasa lem an tuok nawna dingin sawrkar thungpui chun India Constitution provisions hnuoia lampui dang a dap a tul ding thu Rajnath Singh chun a hrih baw.

Home Minister fielna angin Nagaland Chief Minister T.R. Zeliang khawmin zanikhan Union Home Minister Rajnath Singh an hmupui a. National Highway No. 2 (Imphal-Dimapur Road)-a Mao Gate chenah sukbuoitu um lova lampui hawng a ni theina dinga thungpui dingin Home Minister Rajnath Singh chun T.R. Zeliang hi a ngen niin ei thu dawngna chun a hrih.

Ministry of Home Affairs chun NH-2 lampui hawng a ni theina dingin hma a lak a, Nov. 15, 2016 khawm khan Manipur Govt. le United Naga Council (UNC) hai New Delhi hmuna Tripartite talks neipui dingin a ko ta a, sienkham kha tum kha Manipur sawrkar palai thang an um naw a. Dec. 22, 2017 khan Union Home Minister chun Manipur CM chu National Highways hai hawng a ni theina dinga hma la dingin a lo hung inhrietir a, Manipur sawrkar ngenna angin Manipur-a um mek CAPF companies 135 hai bakah Central Paramilitary Forces companies 40 hung tir belsa a. Sienkham tuchen hin Economic Blockade hlip thei lovin a la fe pei a nih tiin ei thu dawngna chun a hrih.

CHANCHIN LAKTAWI

Suvidha le Samadhan training

CCPUR: District Election Officer (DEO), CCPur huohhawnta in January 20, 2017 11:00 AM le 1:00 PM inkar khin DC Office, CCPur-ah Suvidha le Samadhan training programme a um ding ani a, recognised political parties (National le state a mi), CCPur district a MLA ngir tum hai le inhnika nei taphawt thang seng dinga inhrietir an nih.

Best Feature Film award a dawng

CCPUR: Film Forum, Manipur le Sahitya Seva Samiti, Manipur thanguoala January 17, 2017 nia 6th SS MANIFA 2017 nei hunah Lethang Doungel, Producer le Niso Film Institute chun "Henu Neingailo Hitam-2" film a sienna le inzawmin Nominee on Best Feature Film on Tribal Dialect of Manipur a dawng. Lethang Doungel Produced le Director a nina hnuoia Niso Film Industry chun Kuki Video Feature Film 12 zet an siem ta a, Award tum tum 7 lai an dawng ta baw a nih.

Boruok a la dei zawm pei

CCPUR: Hmun dang hai ang bawkin Churachandpur district khawm boruok a la dei zawm pei a, zani zan khan temperature 7 degree Celsius a nih. January 19, 2017 zingkar temperature 13 degree Celsius ning a ta, sun huna 25 degree Celsius, zantieng 10 degree Celsius le zan huna 7 degree Celsius bawk ning a nih. (the weather network)

THANGKO

CCPUR: Pu Lalzathang (46), s/o Zathuom Buongpui of Muolvaipei chu Jan. 18, 2017 zantieng 1:30PM khan khawmik a damnawna lein a thi a, Jan. 19, 2017 hin Muolvaipei thlanmuolah a ruong vuiliem ning a tih.

GAS NEWS

Agency : SAS
 19kg (Commercial Consumer) only.
 Stock: 100
 From 9AM Onward.
Agency : KIM JOE
 Refill on 19-01-2017
 Time : 8:00AM - till stock
 STOCK : 306
 Rate: Rs. 737/- bring exact change

TUDASA in Annual meeting an nei



CCPUR: Tuibong Khopi Diesel Auto Service Association (TUDASA) chun zani 10:30AM khan YPA Hall, Tanguam hmuna 6th Raising Day-cum-Annual meet an nei. Hi huna hin Finance Secretary a inthawk le General Secretary haia inthawk report ngaithlak a ni a, H.Khup, All Parking Commander a inthawk thuhrih ngaithlak a nih. Annual meet hmang huna hin 59-Saikawt A/C a intending candidate Paok-

holal chief guest in a thang a, Upa Dr. DK Mang, Intending Candidate, 58 Churachandpur A/C Functional President-a thngan thuhrihna hun an hmang baw.

TUDASA hi kum 2011 a indin a ni a, tuhin members 130 an um mek a, Tangnuam, Kashmir Veng, Compound Veng, Belam Veng, Salbung, Lhajangphai, Boljol, Joljam, Monglenphai le Kaprang haiah parking an nei a nih.

Winter Carnival

CCPUR: Children's Home: Saikawt Kristien Thalai Pawl, RPCNEI chun Thalai Project Fund a dingin January 19, 2017, 6:00PM a inthawk hin Children's Home, Saikawt hmuna Winter Carnival hmang an tih. Hi huna hin Dr Kim Simte, CMO, CCPur khuollia thangin Winter Carnival hi hawng a tih. Hi huna hin inhnena

chi tum dangdang, nupang le pui tling hai ta dingin sie le Stall 15 hawng ni baw a tih. Hi huna hin mitin thang dingin Children's Home Saikawt Kristien thalai Pawl, RPCNEI chun fienna a siem. Carnival hi Jan. 20, 2017 chena nei ding ti a ni a, a tul chun Jan. 22, 2017 chen keisei ni dingin an buotsaitu hai chun an hrih.

Henu Neingailo Hitam-2 Charity Show



CCPUR: January 20, 2017, 11AM khin B. Venggom Community Hall-ah Henu Neingailo Hitam-2 film Charity Show um a ta, hi huna hin Langkhanpau Guide, Chairman, ADCC a khuollia thang a ta, hi hmuna hin Disc pakhat Rs. 50/- peia inchawk thei ning a tih tiin Lethang Doungel, Producer le Director, Niso Film Institute chun zani sun dar 11:00 a B. Vengnuom- a a chengna ina chanchinbu reporter hai an hmupui huna a hrih. A zawr sawng nuom han Mobile Nos. 8131 897 200 or 9862 104 798 haiah kan thei a ni thu le Disc hi Rs. 50 neka man tama zawr

lo ding a ni thu a hrih. A film hi Oct. 2015 a siem tan a ni a, Editing thawna dinga hmang Computer siet leia insiemthattir a ni huna a lo leak lein Mobile, Laptop, YouTube le a dang dang haia thedar a ni a, hi thua hin case siem kher lova inbniekem thei a ni thu a hrih a, a film leaked kha editing fedan hmun 4-a thea hmunkhat zo chau a la ni a, Official tlangzar leh an ang theinaw thu, pawisa tam tak senga siem a ni lein Producer palna bova tukhawma zawrsawng lo dingin a ngenin Film Act hnuoia hremna pek thei a ni thu a hrih baw.

Goodwill Mission in Governor an inhmupui



IMPHAL: Goodwill Mission Manipur palai 8 han zanikhan Governor Dr Najma A. Heptullah an inhmupui a, UNC Economic Blockade leia mipi harsatna tuok chungchang an inthung a, Governor

chun sawrkar leh inrawn tlang pein a thei ang angin mipi harsatna hlipkieng a ni theina dinga hmalak a lo tiem niin Ningthouja Lancha, Covenor, Goodwill Mission Manipur chun a hrih.

DONER Minister an inhmupui



NEW DELHI: Manipur a cheng Naga nuhmei pawl pakhat "Women for Justice Peace" chun zanikhan New Delhi-ah DONER Minister, Dr. Jitendra Singh an inhmupui a, Memorandum

pekna an nei. An memorandum peka chun, UNC Economic blockade leia Manipur mipuihai harsatna tuok chu hlipkieng dinga hma la dinga an ngenna thu an zie.

Tamenglong le Senapati ah vur a tla nasa

IMPHAL: Haptakar khat liem ta sung khan Tamenglong le Senapati Distric haiah Vur a tla nasa bakah thlidei a hrang lein dei a zuolkai hle. Zing dar 8/9

chen chu tielusum sa takin a bawm a, Nisa suok hmu theiin a um naw bakah a dei hle lein mihriem tuosuok hmu ding an um meu ngai nawh.

Assembly Election neina ding States 5 haiah Rs. 64.38 crore le inruithe Rs. 8 crore manhu vel man a ni tah

NEW DELHI: Election Commission of India (ECI) in mawphurta dinga a ruot Election Surveillance and Expenditure Monitoring teams chun Assembly election neina ding States 5, Uttar Pradesh, Punjab, Uttarakhand, Goa le Manipur haia inthawk pawisafai Rs. 64.38 crore le inruithe (Zu le drugs) Rs. 8 crore manhu vel zet an man ta niin official thusuok chun a hrih. ECI chun Central Observers hran hran hai bakah inthlangna thienghlim, zalen le raluong taka nei a ni theina dingin Election Expenditure Observers ringawt khawm 200 lai zet a ruot a nih.



Official thusuok dgunzuiin Uttar Pradesh state-ah pawisafai Rs. 56.04 crore (note hlui Rs. 31.65 lakh thangsain) le Zu Rs. 6.06 crore manhu man a ni ta a; Punjab-ah pawisafai Rs. 8.17 crore le drugs Rs. 1.78 crore manhu man a ni ta a, Uttarakhand-ah pawisafai Rs. 10 lakh man a ni ta a, Manipur ah pawisafai Rs. 6.95 lakh le Zu Rs. 7 lakh manhu vel man a ni ta a; Uttarakhand a ruok chun pawisafai, Zu

le drugs man a la ni nawh. Pawisafai, Zu le drugs mana um hai hi January 17, 2017 chena mi a nih tiin official thusuok chun a hrih. States 5 haia Assembly Election hi February 4, 2017 to March 8, 2017 inkarah nei ning a ta, Votes tla hai chu a ruolin March 11, 2017 khin tiem tan ning a ta, result puong ngal a ni ding a nih.

Silai le pasal pakhat man



IMPHAL: Red Shield Division hnuoia Tamei Battalion of Senapati Brigade chun Jan. 16, 2017 khan Mr Bongangmei chu semi automatic 9mm Pistol pakhat, magazine 1 le a mu 5 leh an man. Bongangmei hi a sunghai le Bolero a chuong an ni a, GPRN Executive President a ni thu an hrih tiin zanita PIB Defence, Imphal thusuok chun a hrih. Bongangmei hi Patsoi Police station-ah an peklut.

Ex-MLA H. Thoithoi a thi

IMPHAL: Ex-MLA H. Thoithoi chu zanikhan Khumbong hmuna a chengna hmuna a thi. H. Thoithoi hi kum 70 mi a ni tah. Chun, zani chawhnungtieng khan North AOC, Imphal-ah a hming hrietlo pasal pakhat khaw hre lova um hmu a ni a, RIMS panpui a ni a, sienkham damzo lovin a thi a, an thei dingin a ruong hi RIMS Morgue-ah sie a nih.

thlungpui palaihai leh Imphal-ah tripartite meeting nei dingin fienna lekha Jan. 17, 2017 khan a pek. Chun, Manipur High Court chun economic blockade chungchanga Manipur sawrkar chu Combined Headquarters meeting ko le nei dingin an hrietir. Combined Headquarters meeting a hin State Police Force le Central Security Forces hai chu thang dinga ti an nih.

CM le Dy. CM han New Delhi an pan

IMPHAL: Union Home Minister Rajnath Singh in Economic Blockade chungchanga inbniekui dinga a hung fiel lein Manipur CM O.Ibobi Singh le Deputy Chief Minister le Home Minister ni baw Gaikhangam hai chu zanikhan Imphal suoksanin New Delhi an pan.

Hieng laizing hin Manipur Chief Secretary chun January 23, 2017 ah UNC chu state sawrkar le sawrkar

thlungpui palaihai leh Imphal-ah tripartite meeting nei dingin fienna lekha Jan. 17, 2017 khan a pek. Chun, Manipur High Court chun economic blockade chungchanga Manipur sawrkar chu Combined Headquarters meeting ko le nei dingin an hrietir. Combined Headquarters meeting a hin State Police Force le Central Security Forces hai chu thang dinga ti an nih.

India le inbniek a nuom chun Pakistan-in terrorist hai thlatlam raw seh: Narendra Modi

NEW DELHI: Prime Minister Narendra Modi chun Pakistan in inremna lampui dapa India le inbniekna nei a nuomma le inzawmin, India le inbniek a nuom tak tak chun Pakistan in terrorist hai a thlawpna a tawpsan a tul thu a hrih a, India khatin remna lampui a hrawn thei naw lein, Pakistan chun terrorist hai thlatlam dingin a phut a nih.



New Delhi a Raisina Dialogue 2nd edition a thuhrihna a neina a chun, Prime Minister in khawvel huopa danglamna a tam hratzie thu a hrih a, danglamna phur suokta le thedarta hai chu on-state actors hai an ni thu a hrih. PM in a hrih peina a chun, India chu sakuona

thlura terrorist hai le inzawmna a hnawl thu hrilin, bau thaa terrorist tha le terrorist thalo tia hrih hlak chu India in a hnawl thu a hrih. India le China inlaidin na thu hrilin, PM chun rambung pahni hai inthang liem mekna chu economic thila hamthatna ani thu le, khawvel pum huopa sawr tangkai a la ni ding thu a

ghesh le India chu politics thila inhrietthem tuona nein, kawng hran hranah huopzau taka an um hlak thu a hrih. PM chun, ramsung le rampuoa um India mihai himna chu ngaipawimaw tak ani thu a hrih a, mani inhnika zawng chau ngaituoa thil thawna chu India culture leh an-aihal thu a hrih. Khawvela rambung hran hran hai le inzawmna siemt hatna kawngah, inlaidinna tha siema, lampui le in-fepawna hai suk changtung India in a ngaipawimaw thu PM chun a hrih a, a kawle vela rambung hai le inzawmna tha tak nei iengtiklai khawm a nuom thu a hrih baw.

India chu khawvel huopa inlar le rambung dang dang hai sawr tangkai um theina dingin mipui hai an pawimaw thu le, chutaka ding chun talent le theina thatak tak nei thalai hai an hamthatna hrie a, khawvel in a mamawna haia inhmang dingin PM chun a fiel a nih. Raisina Dialogue chu India's flagship geo-political conference niin, External Affairs Ministry le Observer Research Foundation hai thanguoala an huoihawt ani a, President hlui, Foreign Ministers, senior Ministers le foreign policy thinkers hmingsang tak tak rambung hran hrana inthawka hung hai conference a chun an thang a nih.

VAWISUN THUPUI

Chun an kuomah, “Khawvel popovah fe unla, thil siemhai popo kuomah chun Chanchin Tha hi hril ro. Tukhawm a awia, baptisma chang chu sandamin um a tih; tukhawm a awi naw ruok chu thiemnaw changin um a tih.
- Marka 16:15-16

Editorial

Damsung phurrik

Mitinin phurrik ei nei seng a. Ei phurrikhai ruok chu inang naw nih. Nu le pa tam lem hai ta ding chun School admission thaw, lekhabu, exercise book le uniform inchawk tihai hi tulai taka ei phurrik a ni ngei ring a um. Kum tin school admission thaw lai hun hi nu le pa hai ta ding chun sum le paia ei harsat zuol hun lai a ni lein ieng pawl khawm ni inla pawisa daw hi thaw naw inla chu tha ei ti tlang seng ring a um. Sungkuo tinin lo thei lova fee pek ding nei ei lo ni seng baw leh tangka sum hi ei harsa tlang a nih. Hlaw neihai hlaka an December, 2016 thla hlaw advance-a an lo laklaw tasa a ni lein pawisa inleng vel hi a tam thei naw a ni deu tak. Pawisa inleng vel hi a tam naw lein dawrkaihai khawm an inzawr tha naw a, an beidawng thu an hril rawn tak.

Private school-hai hlak ei hlutsak deu deu. A rethei taka inthawk a hausa tak chenin private school haia naw chu ei nauhai ei tir nuom ta nawh. Private school-hai hlak chun an school fee an sukpong deu deu a, nu le pa hai phurrik a hung ni pei ding a nih. Mi thenkhat chun school fee tam tam ku i school tha ei sawn pei khawm a hawi tah. School fee tam nawna haiah ei nauhai ei tir nuom tawl ta nawh. Hi hi school neihai vangnei peina a nih. Ei rama ding chun private school hawng hi sumdawngna tha pawl tak ni tain an lang. A nei le a hau hai ta ding chun private school hawng hi an thaw chi hle niin an lang bawh.

Ei ramah MLA election ei hmasun mek. Election huohawtu sawrkar, Politicalparty hran hran, candidate tum tum le an sung hai ta ding chun phurrik a ni mek. Election a hin sum le pai seng a tam bakah tha le zung a he em em a. Hi lei hin election conduct-tu le election a ngirhai ta ding chun phurrik a tling takzet a nih. Sum le pai seng a tam lei hin pawisa a nuotile le a vaibesia det neizo nawhai ta ding chun election a ngir ngam ting chi a ni ta nawh. A fel le a tha, a tling le a tlak ni ve si, sum nei nawhai ta ding chun lungril a na nuom hle ring a um. Khawvel hi chu a nei le a hau hai dingchangna ram a nih.

Demonetisation policy lein election huna sum seng a hung tlawm thei pha a ni chun candidate-hai thangpuitu a hung ni thei ring a um. India ram mipui han demonetisation policy hi tuorhla hle inlahkawm election huna tangkaina a hung nei chun mipui ta dinga thiltha a hung ni ding a nih. Vote zawr le pawisa sem kha ei ram le ei hnamin a tuorhla hle a nih. Candidates han voter-hai sum le paia an inchawk naw chun vote neitu mipui han rawl nei thei deu ei ta, a hma nekin ngaisak le ngaipawimaw hlaw deu ei ta, ei ram le ei hnam ta dinga hmasawna le inthanglienna a hung ni thei pha ding a nih. Demonetisation policy hi mipui ta dinga phurrik nizing ta lovin ei harsatna hlipkiengtu hung inchang thei ngei sienla nuom a um. Phurrik hi an ang naw a, nau tha nei nu le pa hai ta ding chun nauhai hi malsawmna, nu le pa chwamawitu, nu le pa hai suklamtu le suklhimtu an nih. Hieng laizing hin nau suol nei nu le pa ta ding chun nauhai hi phurrik, hmingsietna, muolphona, beidawngna, harsatna intluntu le khawvel sukrinumtu an ni thung hlak. Nau tha nei nu le pa hai hi mi inhnarum le mi vangnei chungchuong an nih. An ta ding chun khawvel hi hnuoi vanram a nih. Nu le pa la ni ve lo hai hi inngaituo ching chet chet ei tui a, tu kum a inthawk hin chu nau tha ni ngei dingin hma hang la seng ei tui.

Taksa sawlha chu hang chawl meta hadam thei; retheina, fak le dawn harsatna hai khawm taime tak, indik le ringum taka sin thawa sukbo thei an nih. Amiruokchu, nauhai suolna leia lungril sawlna phurrikna ruok hi chu sin thawa sukre thei annawleh taksa chawl hadama sukre thei a ni nawh. Nau suolhai an insiem tha nuom naw chun nu le pa ta dingin damsung phurrik an nih. Taksa hriselnaw khawm Doctor pan le damdawi fak dinga an mi chawhai a hun indik taka fak a, nghei le insum dinga an tihai insumchun dam nawk thei a ni a, damsung phurrik a ni nawh. Nau suolhai ruok chu an ni le an ni an insiem tha nuom naw chun nu le pahai ta ding chun damsung phurrik an nih.

ALL INDIA RADIO: CHURACHANDPUR PROGRAMME
Date: January 19, 2017 (Thursday)
TRANSMISSION- FM-101.4 Megahertz

Hours	Studio/CR/P	Programme	CD/No
5.23pm	CR/P	Signature	
5.23pm	CR/P	Vande Mataram, Time Reading, Opening Announcement& Mangal Dhvani	
5.30pm	P	PAITE Prog. Sig. Tune & Announcement Announcer:Paumuanching 1) Listener's Choice (devotional)	
6.00pm	P	HMAR Prog., sig. Tune & Announcement Announcer:Lalhlunsang 1) Listener's Choice (modern song)	
6.30pm	P	THADOU Prog., sig. Tune & Announcement Announcer:Seikhopao 1) Listener's Choice (modern song)	
7:00pm	P	FARM & HOME:Paite 1) Thianching & party 2) Talk: "First Aid and its importance" by Tunzathon	CD-1070 CD-703

Editorial Board
Lalmalsawm Sellate: Editor & Publisher
Roding L. Sellate: Jt. Editor
Ramditum @ Rama Ralsun: Asst. Editor
Lalsansuok Pulamte & Samuel ZothangliensZ Zote: Sports
Joseph Joute: Freelance
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

VAN LALNAU BETHLEHEMAH A SUOK VERSUS A PIENG-II

-H Zaneisang.

Hmasawna Thar Vol 32/92 dated 12th January 2017 issue-a Hla Inchu Suilétna II, ti thupui hmanga Pu Hmangnei Vungminthang Pa thu hung ziek le inzawm khan, Rev Thangngur hla phuok, “Khawvêla Hin Lal Tam Tak An Hung Piengtah A” ti hla chungchânga ka zêldin thuziek Hmasawna Thar Vol-32/87 dated 7th January 2017-a suok kha la hei tuihni nâwk vak ka tih ie. January 07, 2017-a ka thuziek tiemtuhai chun, ‘Khawvela hin lal tam tak an hung pieng tah a,’ ti hla hi phuoktu inchu a ni le ni naw chungchângah iengkhawm hriet ka nei naw thu ka hril a ni kha. Phuoktu inchu le inchu naw ka hriet naw lei takin thupuiha khawm ka hmang nuom naw hrim a. A Hmar jawng version hi chu a thu fe a kat deu êm leiin Rev Thangngur origin a ni ring intak ka ti thu ruok chu ka ziek a ni kha.

Hmar jawng hmanghai hi chêngna le seilienna zirin ei jawng hmanghai a dang met met a. Amiruokchu, literature-ah written documents ei nei tlâwm le inphu chun, hrietdân le pawmdân a lan ruol tlângpui vieu. Sâptawng a ‘Nail’ ti hi, kei ka pieng le ka seilenna khuo Sakawrdai, Mizorama khan chu ‘Tâpâl’ kan tih a. Tuithaphai ka lût hnung ruok hin chu ‘tâpâl’ ti ta lovin, hilai hmuna lo chêng hmasahai zâwmin, ‘thinkil’ ka ti ve tah. ‘Tâpâl chu Hmar jawng ni lova’ ti’ n mi sêlhai sien ka thang saru vieu el thei.

Awleh, Hmar jawng tuong le indik, an naw leh, thumal chu a hmangna ding hmuna a ni am ? ti thua hohlum ding ei ni leini, Pu Hmangnei hming ziek dân hi X-Ray la hei thaw hmasa pawt ei tih ie. A ma’ n a ziek dân tak chu *Hmangnei Vungminthang pa*, ti a ni hi. ‘Hmangnei’ an nawleh *‘Vungminthang pa’* or *Hmangnei @ Vungminthang Pa* or *Hmangnei (Vungminthang Pa)* ti’ n ziek sien an diklem naw di’ m a ni aw ? Hmangnei chu Vungminthang Pa, Vungminthang Pa chu Hmangnei a ni âwm sih a. ‘Hmangnei Vungminthang pa’ ti hi, Pu Hmangnei hming tluon a ni thei di’ m aw ? (*written with a sense of humour*) Pu Hmangnein ngai naw tieng lo ngai naw sien. Mihai hming ziek dân chungchângah sawisêl le hriehier ding ka nei nawh. Unau pienghmun, nitina thlaithlêng awt tlâng hai khawm ei jawng hmang le ziek dân chau ni lo, ei hming ziek nuom dân chenin ei ngaidân le indik nia ei hriet dân khawm a lo inang ták nawzie suklangna dinga ei zuk hril mei mei a ni chu. Thu tak hla taka lâk lo ding aw.

Awleh, pehêl sei lovin, ei thu chai tak, Rev Thangngur hla phuok, ‘Khawvêla hin lal tam tak an hung pieng tah a,’ ti hla châng khatna le thunawnhaiia, ‘Van Lal Nau A hung pieng’ ti lova,

“Van Lal Nau A hung *suok* Bethlehem bâwngin ah’ ti le;
A *suok* ni lâwmin leilung hi zain sip sien,
Van Lalnau a hung *suok* Lal Kraun mi khumtir ding’
tihaz chungchâng a ni kha ei hohlumna, lo inchik ei ta.

Entirna hei pe hmasang ei tih. Churachandpur khawpui, a bikin Hmar jawng hmanghai delna hmun pawt chu bieltu MLA-haiin an ngaisak naw leitiin lampui a sie em em a. Chu harsatna hmuna inthawk mi sansuok dingin khaw chitê, Ngûrte khuoa inthawk Lala chu a hung *suok* tah a. Hi sentence-a hin Lala pieng thu hril kher a ngai nawh. Mipuihai rawng bawl dinga a hung in chwâmsuok thu hrilna a nih. Khawvêl mihriemhai suola tlutha intlan le thuoisuoktu ding vâna mipuihai lai mi an zawng a, vân mihai lai tukhawm an hmu naw leiin Van Lalnau Isu chu intlanna sin thaw ding chu a hung *suok* tah a. Hi thuchângkima khawm hin Isu inpiengtir hmasak kher ngai lovin, Ama le Ama inpe a, hnuoi mihriemhai intlan dinga A hung inpek thu hrilna, jawng indik tak a nih ti thei ei tih.

Ei hla chai tak châng 1-na lo en ei tih.

Khawvêla hin lal tamtak an hung *pieng* tah a,
Sienkhawm Lal Krista ang hi an la *pieng* ngai nawh;
Van Lalnau a hung *suok* Bethlehem bâwng inah,

Nikum January thla a demonetisation tan ani tah: RBI Chief Urjit Patel

NEW DELHI: Reserve Bank of India (RBI) chief Urjit Patel chu demonetisation chungthu hrilfie dinga ko ani angin, zanihkan Parliamentary panel mhaah inlangna a nei a, Patel chun banking operations chungthu, notes thatna in a sukset hai, iengtikam nundan panggai a um ding ti tieng awna thu hril lovin, RBI in pawisa ei mamaw taw ang hnesaw takin a peksuok thei ding thu tieng uor taka hrilna a nei a. November thla chena khan notes hnaw hai hmun hluotu ding Rs. 9.2 lakh crore banking system a thunlut ani tah thu Patel chun a hril. Rs. 500 le Rs. 1,000 notes hai hnaalna in pawisa invir lai 86% annawleh, Rs. 15.44 lakh crore hai chu a suktawpna thua zawna hai dawn dinga Patel chu ko ani a. Parliamentary panel hai kuoma chun, demonetisation chu January thla a tan dai ani ta thu Patel chun a hril a, hi hma lekhathawna parliamentary panel kuoma hrilfiena thu a thaw tum khan, sawrkar in Prime Minister Narendra in demonetisation thu a puong hma November 7 a notes hai hnawl dinga thu a pek thu Patel chun a hril a nih.

Demonetisation thilum tak chu black money le pawisa thupruk hai huoisuokna ding le, terror funding suktawpna dinga thaw ani thu Patel chun a hril a. November thla chena khan, notes hnaw hai hmun hluotu ding Rs. 9.2 trillion rupees (135.21 billion USD) chu banking system a thunlut ani thu Patel chun a hril. Patel a ruolin Finance Ministry officials hai khawm ko

DISTRICT HOSPITAL: CHURACHANDPUR
OPD DOCTOR DUTY ROSTER
JANUARY 19, 2017 (THURSDAY)

Sl	Name of Doctor	Department	Operation Day
1.	Dr Seikholet, MS	ENT	Tuesday
2.	Dr Vunghoiching, MO Dr Mary Joy, MO Dr Niangngaihlan, MO	Obst. & Gynae	Thursday
3.	Dr Chinggouman Guite, MD	Psychiatrist	
4	Dr C. Lalbiakdiki, MD Dr Bidyarani Dev, MO Dr Liangoumuan Samte, MO Dr Junney Ngailunching, MO	Medicine	
5	Dr Ng. Seanboi Vaiphei, DNB Dr Kamalman, MO Dr A.B. Meitei MS	Surgery	Wednesday
6	Dr M. Nando Singh, D. Ortho. Dr Hegin Tungdim MS Ortho.	Orthopedic	Friday
7	Dr A Tiken Singh, MD	Skin	
8	Dr Ngaimuankim, Homeo	AYUSH	
9	Dr Tongzakai, MD Dr Lalzarzolen, MO Dr Bidyarani Devi, MO	Pediatric	
10	X	Adolescent Clinic	

ve an ni a, Parliamentary panel in November 8 hnunga pawisa deposit dang chungthua zawna a siem chu dawnna an pek nawh. RBI chu Rs. 15.44 lakh crore notes hnaw lai December 30 chenin iengzam system-ah a lut nawk ti thu a la hril ding a na, mi thenkhat chun 97% laklut tah angin an hril a nih. Hung tung ding Zirtawpni hin Patel chun Parliament a Public Accounts Committee (PAC) hai inhupuina nei dinga ti ani a, PAC chu congress mi-le-sa KV Thomas inrawna a siem niin, thu inrum taka insuo in, RBI chief in an lungawina tawk dawnna a pek naw chun, Prime Minister khawm ko dinga thusuok siem hiel a nih.

Congress in PM le BJP sawiselna EC-ah

NEW DELHI: BJP le Prime Minister Narendra Modi chu model court of conduct an bawsiet tiin congress party in Election Commission ah sawiselna a siem. January 12 a Prime Minister in thuhirila a neina huna Ayodha, Lord Ram le Lord Hanuman hai hming sala thu a hril niin congress chun antum a nih. India a state 5 haia Assembly election neina ding le inzawmin, PM chun BJP hratna dingin sakuona a hmang tangkai tum niin congress chun a hril a, Election Commission chu anrang thei anga ngaiven ding le, PM le BJP chungthu chu uluk taka suina nei dingin ngenna a siem a nih. Nagaland ram sungah lunghlu le rangkachak BENGALURU: Tulai hnaia Indo-German study thawna Current Science journal in a published a chun Nagaland ram sung Indo-Myanmar ramri laia ‘Ophiolite’ rocks haia chun lunghlu (diamonds) le rangkachak a um an ring thu an zieklang. Hi journals-a ziektu hai chu CSIR-Institute of Minerals and Materials Technology, Bhubaneshwar a inthawk Bhuburanjan Nayak le Franz Michael Meyer of Aachen University, Germani hai an ni a. Pokhphur area, Nagaland-a ophiolite rocks (lung) hai study an thawnaa inthawk an hmu niin an ziek.

India rama chun tuta hma khang Guntur le Krishna district, Krishna River Delta, southern India haia chau hmu a ni a, tuta India rama lunghlu laksuokna inlar tak chu Madhya Pradesh a Panna hmuna a nih.

Rs. 1 crore manhu kang ral

SHILLONG: Zanihkan Barch Complex, Dhankheti, Shillong-ah kangmei a suok a, hmangruo 1 crore manhu a kang ral nia hril a nih. Kangmei chu zingkar inhma taka suok niin, kangmei suok chu mihaiin an hriet hma in complex a dawr le hmangruo hai chu a lo kang ral zo vang ta a nih. Kangmei intanna hriet ani naw a, electric a inthawka intan ni dinga ring a nih. Complex kanga chun thil chihran hran zawna dawr 7 a um a, kangmei suok hriet ani chun dawrhahi khawm chu a lo kang ral vawng ta a nih. Kangmei theltu ding Fire brigade chu a hmun tlungna dingin darkar 2 vel a aw nia hril niin, a tlung hma in complex chu a reng deuthaw in vut angin a lo kang ral hman ta a nih.

EMPLOYMENT NEWS

Union Public Service Commission (UPSC) chun Army, Navi le Air Force Wing a National Defence Academy (NDA) 139th batch le 101st Indian Naval Academy Course (INAC) January 2, 2018 a tan ding hai lakna dingin National Defence Academy and Naval Academy (NA) Examination (I) 2017 April 23, 2017 khin huohawt a tum. Inhnikna nei han February 2, 2017 chenin upsonline.nic.in ah Online application peklut thei ning a ta, thu chieng lem UPSC website:www.upsc.gov.in ah thu chieng lem hriet thei ni bawk a tih.

Post ruok dan: National Defence Academy a dingin 335 (Army-208, Navy-55 le Air Force-72); Naval Academy a dingin 55 a nih.

Educational Qualification:
(i) Army Wing NDA a dingin Class XII (10+2) le a tlukpui annawleh degree zo.

(ii) Air Force le Naval Wings NDA a dingin 10+2 (Class XII) with Physics and Mathematics.

Class XII Exam-a thang hai khawmin application pek thei a nih. Amiruokchu, hlawtlingna an lo chang khawmin December, 2017 chenah Class XII le a tlukpui an passed ngei ti sukchiengna an xluut ngei ding a nih.

Fee: SC/ST candidates JCOs/NCOs/ORs nauhai ta dingin fee pek a tul nawh.

Exam Centres: Agartala, Ahmedabad, Aizawl, Allahabad, Bengaluru, Bareilly, Bhopal, Chandigarh, Chennai, Cuttack, Dehradun, Delhi, Dharwad, Dispur, Gangtok, Hyderabad, Imphal, Itanagar, Jaipur, Jammu, Jorhat, Kochi, Kohima, Kolkata, Lucknow, Madurai, Mumbai, Nagpur, Panaji (Goa), Patna, Port Blair, Raipur, Ranchi, Sambalpur, Shillong, Shimla, Srinagar, Thiruvananthapuram, Tirupati, Udaipur le Vishakhapatnam.

Punjab Police han rangkachak Rs. 25 crore manhu ding an man

CHANDIGARH: Punjab Police chun zani hmasa zantieng khan Airport bul lai Car pakhat Himachal Pradesh Registration number nei sunga inthawk rangkachak (raw gold) kg. 160, Rs. 25 crore manhu ding dapdawkin an man. Dan pangngai anga motop dar a ni huna hi thil hi dapdaw a ni a, Rangkachak hi New Delhi-a inthawk Hamirpur, Himachal Pradesh tienga phur tum a nih. Senior superintendent of Police Kuldeep Singh Chahal chun, hi thil hi Ghana (Africa) rama inthawka hung phur niin a hril a Indira Gandhi International Airport, New Delhi-a inthawk sukfai dinga Himachal Pradesh tienga phur nia hril a ni a, sukfai hlawk a ni huna rangkachak mana um hi kg. 90 a tling phak ring a ni thu a hril. Hi thil le inzawm hin Police chun mi pathum Rakesh Kumar, Vijay Kumar le Surjit Singh hai an man a, Sohana Police station-ah case an registered.

CHANCHIN LAKTAWI

Pasal pakhat kap hlum BARABANKI: Uttar Pradesh-a Kotwali police station huop sung Nebplate crossing a chun zanikhan motorcycle-a chuong pasal pathum han kum 30 mi Akash Jaiswal chu an kap hlum. Jaiswal hi intrang takin hospital panpui a ni a, sienkhawm doctor han an san thei tanaw a nih. Cannibis contract auction thuah buoina leia kap hlum ni dinga ring a nih.

Firecrackers traders licences 23 kansel MUZAFFARNAGAR: Supreme Court order dungzuim rawpuok le rawtek (fire crackers)-a sumdawngtu mi 23 hai licence chu kansel pek a nih tiin District Magistrate DK Singh chun a hrii. Hi thil hi Delhi-NCR huop sunga air pollution dona ding le inzawma thaw a ni a, Orders thar um nawk hmakhat licences kansela um hai hi suhkring nawk lo dingin Court chun sawrkar thlungpui an hrietir.

Hrat rak lovin simkhawlei an hning NEW DELHI: Zani zingkar dar 7:16AM vel khan New Delhi le Mizoram haia chu hrat rak lovin simkhawlei an hning. New Delhi le chun simkhawlei inhnng hi magnitude 3.0 a ni a, Aizawl, Mizoram chun 3.7 magnitude a hrat a nih. Simkhawlei inhnng lei hin New Delhi le Mizoram haia chun thil suksiet a nei thu hriet a ni nawh. Zani hmasa khan Karachi, Pakistan a khawm richter scale 3.6 a hratin simkhawlei a lo inhning ta bawk a, hi taka khawm hin thil suksiet a nei nawh bakah thi le hliemna tuok an um nawh.

Punjab election a dingin Mizoram police AIZAWL: Thla thara Punjab Assembly election huna security sin thaw dingin Mizoram Armed Police (MAP) company 5 hai chu tir ning an tih. Armed police hai chu 2nd Indian Reserve Police a Commandant Ngursangliana Sailo in intrawi a ta, zanikhan an duty na ding hmun pan dingin an suok a, 1st IR battalion headquarter, Mualvum, Kolasib district a inthawk vailiem an nih. Punjab election a duty ding MAP hai chu Thawtanni khan 1st IR Battalion badmintion hall ah 2nd IR Battalion a commandant le 1st IR Battalion a Deputy Commandant haiin briefing an nei.

Jail sunga phone tam tak man ARA: Bhojpur, Bihar a district jail sungah mobile 12 le sim card 3 zanikha man a nih. Jail intang han phone an thaw hlak chu hriet ani a, Sub-Divisional Officer Navdeep Shukla le Sub-Divisional Police Officer (SDPO) Sanjay Kumar hai hmakha a dappui thaw niin, mobile phone le sim card hai bakah, charger iemanizat man a nih. Mobile phone zawngna sin thawtu hai hi bomb squad le usaiethiam haiin an thangpui a nih.

January 20 in CBI Chief thar

NEW DELHI: Central Bureau of Investigation (CBI) chief thar ding ruotna le inzawma hun sawt tak buoina a um huungin, January 20 phaa ruotna nei ani ding thu sawrkar thlungpuiin zanikhan Supreme Court a hrii. Chief Minister Narendra Modi, Chief Justice of India le opposition thuoiitu hai thangna high-power committee inthungna nei ani a, CBI Director ruot dan ding thu hriina neim, Central

Indian Army-in helmet changkang

NEW DELHI: Khawvel in-sienga inthawka a vawikhat-na dingin, Indian Army hai chun helmet changkang le tulai tak an khum ve ta ding a nih. Helmet thar chu world-class helmet niin, indona hmuna khawm an sahimiina dingin nasatakin a thangpui ta ding a nih. Helmet chu Kanpur-based MKU Industries siem ding niin, helmet 1.58 lakh siemna dingin Indian Army

Narayan Dutt Tiwari in BJP zawm

NEW DELHI: Congress veteran Narayan Dutt Tiwari in zani zantieng khan BJP chief Amit Shah a chengna In-ah congress suksanin BJP a zawm. Tiwari chu congress thuoiitu BJP in a laklut hai laia upatak niin kum 91 mi an tah a, state 2 haia Chief Minister lo ni tah in, Union Minister le Governor mawphurna khawm a lo chel ta bawk a nih.



Tiwari ruolin a naupa Rohit Shekhar khawm BJP a zawm veh a, ama chu dan anga a pa ding ngaituoa thla 6 sung a buoi hnunga Tiwari in a nau anga a pawm a nih. Tiwari in BJP a zawmna chu Uttarakhand a Brahmin hai lai BJP in hratina a chang theina dinga thaw nia ngai ani a, election chu thla thara nei ta ding a nih. Uttarakhand a Assembly seats 70 neitu BJP chun a

Dimapur-ah JCC in rally nei tum

DIMPUR: Nagaland a Urban Local Bodies (ULBs) neina ding le inzawma buoina chun zuoltieng a pan pei a, zani chen khan buoina leiin mi-hriem chengna In 3 le motor iemanizat suksiet ani tah. Nagaland Municipal Act chungthua an ngenna sawrkarin a ngaisak pek naw leiin, Naga hnam sunga pawl tum tum hai chun hmun thenkhata lem chu nomination file an remti naw thu thasuok an siem a, civic polls a dingin candidate an nei naw pha a nih. Ao, Lotha, Sumi, Chakhro Angami le Chakesang hnamhai inkawpin Joint Co-ordination Committee (JCC) an siem a, Municipal Act 2016 a amendment thaw dungzuim 33% women reservation siem dingin an ngen a, sawrkarin an ngenna a ngaisak naw leia buoina chu intan niin, JCC chun Dimapur khawpui-ah protest rally an la

huoihawt ding thu khawm an hrii a nih. Urban Local Bodies election chu February 1, 2017 a nei dinga ti a nih. In suksieta um hai chu council candidate hai In niin, buoina leiin police khawm a hliem an um nuol a, police in buoina thunun an tum lain mipui pungkhawm han lung in police hai an deng a nih. Buoina lien lem suok vengna in police haiin tear gas hmaning mipuihai chu an kap a, vanboruok tieng silai tak khawm wawi iemanizat an kappuok bawk. JCC chun meeting an nei a, an hmalakna chu a neka nasa lema feupi dingin thutlukna an siem a, memorandum sawrkar kuomah an peklut bawk. Boruok en chun, buoina chu la sosang pei ding niin anlang a, February 1 a Urban Local Bodies election nei ding khawm a sukbuoi pha ping a nih.

IPS Officer pahni Compulsory retirement pek

NEW DELHI: Indian Police Service (IPS) Officer pahni hai chu sin an thaw naw/hnenaw leiin an sina inthawk sawrkar thlungpuiin an chawltir (voluntary retirement). IPS Officer an sina inthawk inthawltir hai chu 1992 batch IPS Officer, Chhattisgarh cadre Rajkumar Dewangan le 1998 batch ABMU cadre Mayank Sheel Chohan hai an nih. Service rules dungzuim sawrkar chun All-India services hieng Indian Administrative Service (IAS), Indian Police Service (IPS) le Indian Forest Service (IFS) hai service chu kum 15 le kum 25 dan peiah an inthaw dan a enawn hlak a nih. Hi dungzuia service records le Annual Confidential Reports hai enfal a ni hnungah hieng offi-



cer pahni hai hi sawr pek ding tlaka an inthaw hmu ding a umnaw leia state sawrkarin a recommended dungzuia IPS officers hai chung thuneitu Union Home Ministry in recommendation a pawmpui dungzuia sawrkar thlungpuiin voluntary retirement a pek an nih. Voluntary retirement pek um Chohan hi Superintendent of Police (SP) rank niin a sum lamsuokna le inmil lova hausaa intum a ni bakah Arunachal Pradesh-a a posting laiin san mumal

Kanpur Rêl chesuoal-ah ISIS inrawlna nei nia hrii

KANPUR: Mi 150 zetin hringna an chan pha na Indo-Patna train chesuoal-ah Pakistan ISIS hai inrawlna an nei niin Bihar police haiin an hrii a, East Champaran district-ah ringhla mi 3 man an ni tah. Bihar police chun investigation thaw peina dingah Intelligence Bureau and Research and Analysis Wing hai chu thangpui dingin a fiel a, mana um laia pakhat chun ISIS hai le inzawmna nei Nepalese pakhat contact a nei thu a hrii niin Jitendra Rana, Superin-

tendent of Police (SP) chun a hrii. Bihar police a terrorist hai chetna investigation thaw pawl haiin kha hma met kham mi pakhat an man a, mana um pa chun, Kanpur a Rêl chesuoalna chu ISIS hai sponsorna hnuoia terrorist hai kuthnung ani thu a puong a nih. Police in an kawm mek Moti Paswan chun, ISIS han hlaw neia Rêl lampui haia bomb chang kamtu dinga an ruoi ani thu a puong a. Nepal mi ISIS hai le inzawmna nei Brajesh Giri in bomb kamna dinga 3 lakh a pek thu a hrii a, October 1, 2016 khan East Champaran district-ah Rêl lampuia bomb a kam thu a puong bawk. Kha tuma bomb kam kha vangnei thlak taka hmu-suok niin, Rêl in a chilpuok hmaa puok theilo dinga siem a nih.

Naupang milim pawrche thedartu man

HYDERABAD: US mile-sa kum 42 mi nuhmei kumtlinglo milim pawrche (pornography) thedar hlakto chu Telangana Crime Investigation Department (CID) haiin an man. Mana um chu MNC law firm a linguistic expert James Kirk Jones niin, 2012 a inthawka Hyderabad law firm a inthaw tan a nih. Jones in internet a milim pawrche a thedar hlak chu hun sawttaka inthawka hriet tah niin, CID haiin investigation an thaw a, chuong milim hai chu IP address inang vawnga peksuok hlak hriet ani a, a IP address a inthawka suidawk nawkin CID haiin an man a nih. Cyber Crime Police haiin Jones an hriet dawkhung khawmin an la man

OFFICE OF THE SUB-DIVISIONAL OFFICER/ERO CHURACHANDPUR SUB-DIVISION NOTICE FOR FINAL PUBLICATION OF ELECTORAL ROLL Churachandpur, the 12th January, 2017

No.9/SDO/CH/SSR-2017: It is hereby notified for public information of 58-Churachandpur (ST) Assembly Constituency that the list of amendments to the draft Electoral Roll 2017 of 58-Churachandpur (ST) A/C has been prepared with reference to 01-01-2017 as qualifying date and in accordance with the provisions of Registration of Electors Rules 1960.

A copy of the said Roll together with the said list of amendments has been published and will be available for inspection at the office of the undersigned.

Sd/- SEIMINTHANG LENTHANG Electoral Registration Officer (ERO)/SDO 58-Churachandpur (ST) A/C

Tajani-in European Parliament

ITALY: Italian conservative Antonio Tajani chu European Parliament President thar dinga ruot a nih. Tajani chu Italy Silvio Berlusconi a speaker hlui le Commissioner sin lo thaw tah niin, Italy mi tho an ex-European commissioner Gianni Pitella hnebanin President thar dinga thlang a nih. European Parliament a President ni lai mek Germany mi Martin Schulz a inthawk Tajani in charge lang a ta, Italy socialist Pitella in election ah vote 282 a hmu a, Tajani in 351 a hmuah a, contest chu tum 4 vel nei a nih. European Parliament chu European Parliamentary Assembly/Common As-

US President Hlui Bush Damlo



WASHINGTON: American President hlui, Republican hotu George Herbert Walker (HW) Bush chu President thar Donald Trump laklutna hunser ah thang a tuma chu hrii lawkna taluo um lovin a damnaw leiin hospital panpui a nih, tiin a Chief of Staff Ms Jean Becker chun a hrii. Kuni 92 a upa George HW Bush hi Texas Medical Centre-a Houston Methodist Hospital ah admit a nih a, a natna tak chu hriet chheng a lan nawh. Doctor han an enzuin ngah a, that tieng a pan peia chu ni tlawmte la enkawl a ngai ding niin Ms Jean chun local news (KHOU 11 News) a hrii. George HW Bush hi America President 41-

sembly tia lo ko hlak niin, European Union (EU) Parliament ani a. Parliament a chun President chu a lutak niin, kum 5 dan peiah European Union in Parliament member ding a thlang hlak a nih. Parliament le Council of minister inkawp chu Union institutions a lawmaking branch an nih. European Parliament in inthawna hmun 3- Brussels (Belgium), Luxembourg (Luxembourg) le Strasbourg (France) hai a nei a, Luxembourg chu administrative office umna niin general secretariat ani ngah a, Strasbourg le Brussels ah Parliamentary sessions le meeting hai nei hlak a nih.

Babar in BJP zawm

MUMBAI: Maharashtra civic polls nei dinga inbuotsaina a fe mek laiin, zanikhan Pune-a Shiv Sena MP hlui Gaganan Babar chun BJP a zawm a, Maharashtra Chief Minister Devendra Fadnis le Pune Guardian Minister Girish Bapat hai uopna hnuoia a zawm niin, thla thara Pimpri Chinchwad Municipal Corporation election neina dinga hin ngirhmun thatak hlao lai mek a nih.

BJP candidate 2 lim raw; code of conduct bawsietu MLA thubuo siem khum

MUZAFFARNAGAR: Uttar Pradesh a Assembly election nei ding le inzawmin campaign ngawm taka nei zing ani a. Election Commission in notice ansuo ta leiin, candidate thenkhat chu nomination file tan dingin an in-siengsa mek bawk. Thang an lak nasa leiin candidate le worker thenkhat chun buoina an nei hiel a, zanikhan Khatauli le Meerapur constituencies haia candidates hai chu party workers haiin an ditnaw zie suklangna a protest neim, an lim (effigy) an raw. Khatauli a BJP workers hai chun Vikram Saini in candidate chu an ditnaw leiin a lim an raw a, Meerapur-ah BJP worker hai bawkin an candidate Avtar Singh Bhadana chu an ditnaw leiin a lim an raw ve. BJP party chun a candidate dinghai hmung suklangin, Vikram Saini le Avtar Singh Bhadana hai chu party ticket a pek an nih. Uttar Pradesh a bawk BJP MLA Kapil Dev Agarwal chu model code of conduct a bawsietu leiin thubuo siem khum a nih. Agarwal a supporter hai Shiv Chowk-

Gambia ram a buoi: Parliament in Jammeh term ni 90 in a keisei; emergency puong

BANJUL: Gambia Parliament chun zanikhan President Yahya Jammeh term ni 90 a keisei. Jammeh hi European Election December 1, 2016 nia neia khan Estate agent Adama Barrow chun a hneban a, President a nina hi January 19, 2017 a tawp ta ding le President dinga thlang thar Adama Barrow kuoma thuneina an hlan ta ding a ni a, sienkhawm President a nina inthawk inban nuom lovin a la um zing a, tuhin Parliament chun a term hi ni 90 a dingan an hung keisei pek nawk a nih. President term ni 90 keisei a n bakah hin Parliament chun ni 90 sung bawke of emergency a puong ngah lawk a nih. Regional leaders hai chun January 19, 2017 nia Jammeh in President-elect Adama Barrow kuoma thuneina an hlan nuomnaw chun sipai thahratna hmang an tum a nih. Hienganga Gambia politics buoi lei hin Gambia rama UK le Dutch kuoelzin hai chu an ram

Gambia ram a buoi: Parliament in Jammeh term ni 90 in a keisei; emergency puong



tienga thuoiikir an nih. Beaches tam lei hin Gambia ram hi European mipui han kuoelzin le chawl hmangna taka an hmang hlakna hmun a nih. Africa rambung le regional leaders hai chun Jammeh hi inban nuomnaw nasa takin an lo phut ta a, sienkhawm an hlawsam a nih. Nigeria chun Jammeh an ban theina dinga a mawmain indo lawng hai an tirlut a, Regional block Ecowas, Economic Community of West African states hai khawmin Senegal inrawiinain sipai inringsain an sie bawk a, sienkhawm a lo thei lova naw chun sipai thahratna hmang le inrawl a tum nawh. Zani hmasaa Mr Jammeh in tu

hai in inban darkar tlawmte hnunga emergency hi puong a nih. Mr Yahya Jammeh hin kum 1994 a Coup thawa Gambia ram rorela ni a lo chel tan ta a nih. Presidential election result kha a bul chun a pawm a, sienkhawm a hnungin thil indiklo a um tia hriin President a nina hi inban nuom nawk ta lova um a nih. Hieng laizing hin president-elect Barrow chu Jan. 19, 2017 nia President office hlao tan ding ni ngahin Senagal hmuna a um a, Parliament in Jammeh term keisei le emergency puong hai sienkhawm Presidential inauguration chu a ni anga fe thlengpui tumin a thang thar bawk a nih. National Parliament in Emergency an puong nisien khawm hi thu relnaa thang member hai chu Jammeh political party hai chun an nih tiin a hrii.

New York Times-in \$5 Million Budget

WASHINGTON: President Donald Trump laklut zova President sin a thaw tak tak pha a chanchin kimchang thei ang tak coverage thawna dingin New York Times chun an budget suksang an tum thu an puong. An overall administration budget sukhnuoia news coverage thawna sukpung an tum a nih. The New York Times editors hai blog post hrii dan chun, "President Trump hmakha coverage thawna dinga Journalist hai hmang ding bikin, kum khat budget naran bakah \$5 million- in kan sukpung ding a nih. NYT company chun accountability Journalism hrât nawk zuola thaw a ni theina dingin sum hmang ding a sukpung ding a nih" tiin Executive Editor Dean Baquet le Managing Editor Joe Kahn hai chun an hrii. President Trump hin chanchinbu le media hai chu chanchin indik la khawm zo

el naw nia hrii ani a, a chengna In-a hai khawm CCTV sie vawng niin, police haiin naupang kumtlinglo hai chu a sawisak hlak am ti an la enthlak phawt a nih. Milim ringawt a thedar hlak hrietchieng ani hnunga Jones chu man ani a, a In-a chun laptop 29,288 thlak umna le naupang milim le video pawrche umna man sa a nih. Jones in naupang thla a lak hai chu twitter hmangan a sukdar hlak a, "GigaTribes" ti hmung hmangan ruol 24 hai leh milim hai chu an entlang hlak a nih a, section 67 A & B of the Information Technology Act, 2008 hnuoia case zieklut niin, thiemnaw inchangtir ani chun, Jones chu kum 5 sung Jail intang thei ding a nih.

